


IN CURT

**5% pe Universitât dal Friûl**

Al è ancjemò timp par judâ l'Universitât dal Friûl cence spindi un franc. Cuant che si fâs la declarazion dai redits al baste firmâ tal ricuadri "Finanziamenti della ricerca scientifica e della università", scrivi il codiç fiscâl de Universitât (80014550307) inte casele

**Il projet de cjase plui vecje di Udin**

E je une des cjasis plui vecjis di Udin, nomenade cjasute dal tresinte, e je tacade dal palaç Antoniins sede de Universitât dal Friûl. Di cualchi an e je sierade ma e podarès diventâ alc di biel. Une zovine studentesse di architecture, Francesca Basso, e a prontade la sò tesi di lauree sot la guide esperte de professore architetete Alessandra Biasi metint dongje un projet de restaur. I



risultâts a son in mostre te jentrade dal Palaç Antoniins fintremai il 25 di Jugn. Une ocasion di no pierdi.

**Archeologjie sot aghe**

L'Universitât dal Friûl e sta par començâ un gnûf projet par studiâ il paisaç fluvial dal flum Stele, la plui impuartante vie di aghe de Basse furlane. Il projet a l'è metût dongje de Universitât dal Friûl parie cu la Texas A&M University e la fondazion ProMare, dal dipartiment di Gjeofisiche de universitât di Triest e dal Istitût di Siencis Marinis dal Consei Nazionâl des Ricercjis di Bologne.

**Dal Sud Americhe a Udin par cirî lis lidris**

Dodis indotorâts argentins e brasilians, dissidents di furlans lâts pal mont a son rivâts a Udin par discuvierzi lis propriis lidris graciis a un cors metût sù de universitât dal Friûl. Il cors a l'è



stât prontât cul jutori dal Ent Friûl tal Mont, dal Ent Regionâl pal diret al studi di Udin, de Confindustrie, de Associazion des picjuls e miezanis industriis e de Associazion des Cooperativis furlanis di Udin.